



Boletín Mensál

Governasaun Lokál

Volume IV, Edisaun 6
Agostu-Setembru 2011

Governu Lokál Xave Dezenvolvimentu Lokál

“MONITORIZASAUN HUSI ASEMBLEIA LOKÁL MAKA XAVE BA IMPLEMENTASAUN PROJETU PDL”

Xefe setór Sosial Ekonomia Sr. Renato Nunes Serrão subliña kona-ba kna'ar ne'ebé assembleia lokál sira hala'o iha implementasaun Projetu PDL

Dili, Setembru 2011 - Iha Juñu liubá, ekipa konjuntu PDL kompostu husi staff Ministériu Administrasaun Estatal no Ordenamentu Territóriu (MAEOT) ho UNDP/UNCDF Programa Apoiu Governasaun Lokál (LGSP) Suporta ona finalizasaun ba atividade aprovizionamentu husi Assembleia Lokál distritu 13 ba projetu PDL tinan 2011.

Kontratores ne'ebé selesionadu agora hahú daudaun implementa projetu liuhusi orientasaun no monitorizasaun Assembleia Lokál ninian, hodi bele responsabiliza no garantia qualidade, akuntabilidade no transparansia projetus. Kada fulan 3 Assembleia Lokál sei submete relatóriu monitorizasaun ba Comisaun Dezenvolvimentu Sub-Distritu (CDS) ne'ebé sei hato'o ba Comisaun Planeamentu no Implementasaun (CPI) hodi hato'o ba Diresaun Nasionál Dezenvolvimentu Lokál no Ordenamentu Teritóriu (DNDLOT), MAEOT.

Iha Distritu Likisa, Assembleia Lokál ne'ebé kompostu husi membru 11, sei akompaña direita prosesu implementasaun hodi hala'o inkontru regular iha suco no sub-distritu hodi diskuti kona-ba progresu projetu, problema ne'ebé komunidade infrenta hodi buka solusaun ne'ebé posível.

“Iha tinan ida-ne'e Assembleia Lokál sira desempeña papel fundamentu tebes liuhusi fo akonsellamentu ou hanoin ba kontrator sira, monitória no fasilita implementasaun projetu. –dehan Xefe Setór Sosial Ekonomia Distritu Likisa, Sr. Renato Nunes Serrão. Ami- nia objetivu prinsipal mak atu garantia qualidade dezeñu projetu nian no mós submete relatóriu monitorizasaun sobre projetu ne'e ba CDS.

Iha tinan 2011, Distritu Likisa implementa Projetus PDL hamutuk 7 ne'ebé foka liu ba infrastrutura ho skala ki'ik hanesan konstrusaun tanki bee no rehabilitasaun ba sistema bee moos, rehabilitasaun bee posu, reflorestasaun, konstrusaun eskola primária, fornecimentu mobiliarius ba postu saúde no sentru saúde sira, ho total alokasaun fundus US\$152,000.00.



Sr. Renato Nunes Serrão no Sr. Aurendino Afonso dos Santos, respetivamente xefe Setor Sosial Ekonomia no Sekretáriu Executivu Distritu Likisa

Iha nivel nasional, Distritu 2 (Aileu no Oe-cusse) completa ona implementasaun porsentu 100, distritu 11 completa porsentu 25 no hein katak sei finaliza iha tinan ne'e nia rohan.

RONA AMI NIA PROGRAMA RADIO MENSAL “Dezenvolve ho Desentralizasaun”

IHA DILI: RADIO CRC, FM 94.7 Mhz

NO IHA RADIO KOMUNIDADE 16 IHA TIMOR-LESTE



EKIPAMENTU MOBILIARIUS FOUN ENTREGA ONA BA SENTRU SAÚDE NO KLINIKA 21 IHA LIKISA

Informasaun Badak

Atividade iha fulan Outubro :

- Hahú dezenu projetu no kustu ba projetus PDL 2012



Ministério da Administração Estatal e Ord. do Território

Rua Jacinto Candido
Dili, Timor-Leste
Phone: 3317202
E-mail:
comunicacao.maeot@gmail.com

Setór Saúde Distritu Likisa enfrenta problema ne'ebé sériu oras ne'e daudaun Doutór ida de'it bele fó atendimentu ba populasaun ema 11,000; no parteira 17, enfermeirus hamutuk 31 no nutrusionista ida ne'ebé servisu iha Centru saúde 3 no postos de Saúde 18. Ho facilidade, matériais no ekipamentus báziku ne'ebé menus, afeita mós ba qualidade assisténsia ninian.



Mobiliarius dahuluk ne'ebe entrega ba Sentru Saude distritu Likisa iha fulan Agostu 2011

Atu responde ba kestaun hirak ne'e maka iha tinan 2010, membru husi comunidade lokál decide hodi submete proposta projetu ba Programa Dezenvolvimentu Lokál(PDL), ho objetivu hodi prodús kadeiras, bankus no armariu tau ai-moruk ba sentru saúde 3 no postu saúde 18.

Projetu ne'e aprova tiha husi assembleia lokál iha tinan 2010 nia rohan no distribuissau mobilarius hirak ne'e hahú ona iha fulan Agostu 2011.

Tuir **Ermelinda Caldeira Duarte**, nu'udar enfermeira husi postu saúde Ulmera katak:

"Ha'u atende pasiente sanulu resin lorloron, sira barak mak hamriik de'it ba oras ida nia laran, ne'e susar liu ba labarik no idozu sira. Kondisaun fatin ba hala'o serbisu lorloron mak ladún di'ak ba ami, fatin besik Estrada ibun, uma kondisaun ladún di'ak, fatin mós klood. Fornesimentu mobiliarius hirak ne'e importante tebes hodi bele fasilita asesu ba taratamentu. Ha'u iha de'it meja ki'ik oan hodi rai ai-moruk no material báziku sira; dalaruma ha'u husik/hatu'ur de'it iha rai, kona rai-rahun no fo'er. Armari ida ka rua tan bele ajuda tebes."

Administradór Distritu Likisa, **Domingos da Conceição dos Santos**, mós subliña katak staff distritu mós hala'o akompañamentu no orientasaun durante implementasaun projetu:

"Bainhira projetu hetan ona aprova iha nivel lokál no nasonál, Administrasaun Distritu iha responsabilidade másimu hodi asegura qualidade servisu. Ami-nia ekipa tékniku sira sempre tuun ba akompañia faze projetu tomak iha terrenu atu bele garante qualidade servisu, responsabilidade kompañia ba projetu ida ne'e i finalizasaun projetu ne'e tuir nia durasaun tempu ne'ebé maka determina."

Suporta husi:
Programa Apóiu Governasaun Lokál



Ministry of State Administration and Territorial Management
has a website!



PERFÍL DISTRITU LIKISA



Distritu Likisa ho total populasaun hamutuk 63,329(Sensus 2010), ne'ebé lokaliza iha parte oeste Dili ho kilometru 35. Distritu Likisa iha Sub-Distritu 3 -Likisa, Bazartete no Maubara no kompostu husi Aldeia 23. Ho metru 1,266 aas husi tasi iha Bazartete(Kutulau). Normalmente populasaun distritu Likisa ko'alia lian oin-rua - ko'alia sira-nia lian materna(Tokodede ou Mambae) no Tetun. No mós populasaun barak maka ko'alia lian Indonézia, sira ne'ebé mak hetan edukasaun durante rezime Indonéziu no

sira ne'ebé maka servisu civil. Lian Portugues agora hanorin iha eskola sira. Distritu ne'e ho rai ne'ebé badak(dataran rendah) no buras ideal hodi praktikamente kuda agrikultura tradisional, kosteira ne'ebé besik ba iha area foho hun sira ne'ebé nia anglu vertical sai hanesan ambiental sira ne'ebe frazil.

RONA AMI NIA PROGRAMA RADIO MENSAL "Dezenvolve ho Desentralizasaun"

IHA DILI: RADIO CRC, FM 94.7 Mhz

NO IHA RADIO KOMUNIDADE 16 IHA TIMOR-LESTE